

REGIONAL NEWS BULLETIN

HEADLINES (EVENING)

Date – 24/05/2024

Time - 18:30 -18:40Hrs

1. Chief Minister Pu Lalduhoman Tlawnglui leh a fintu thenfai hna thawktu Save the Riparian hnathawh chuan sorkar a kaiharh a ti.
2. Hachhek Bial Kuhva Chingtu Pawl chuan Kuhva ro tawlh ten an tihdan pangngaiin an la tawlhruk reng avangin a dang turin an duty leh dawn an ti.
3. Naktuka Lok Sabha inthlan thawhrukna nei turin inpuahchahna peih fel a ni
4. Papua New Guinea-a leimin avangin mi 100 aia tlem lo an thi.



CM

Chief Minister Pu Lalduhoman Save the Riparian in Tlawnglui leh a fintu thenfai hna thawktu Save the Riparian hnathawh chuan sorkar a kaiharh a ti.

Vawiin khan Sports & Youth Services Department NSS Cell leh Save the Riparian pawl ten Tuikual lui thenfai hnatlangpui an ko a, hetah hian Chief Minister Pu Lalduhoma chu a tel a, Thusawiin Chief Minister chuan, Tlawng luih hian zana Len a din thin avangin a bawlhhlawhzia a hmu a, hei vang hian Tlawng leh a fintu lui thenfai tha a ti hle tih a sawi a, rilruin a vei reng laiin tlawmngaipawl Save the Riparian an rawn lang a. An hnathawh chuan sorkar a kai harh a, mimal tak pawhin a tiphur a, chuvang chuan a tel tel ve ta a ni, a ti.

Engmah phut nei lova thalai tam tak an hnatlang thin chu hmuhnawm a tih thu leh a chhuan thu a sawi a, an hmalakna chuan mipuite tiharh zel se, bawlhhlawh a hmunah chauh paih tawh thin se a duh hle a ni, a ti.

He hnatlangpui hi Pu Lalnghinglova Hmar, Sports Minister chuan a telpui bawh a, thusawiin, Save the Riparian te hnathawh chu a chhuanawm a, Mizoram a takin an hmangaih a ni tih a hmuh theih a ni a ti a, mipuite pawh harh thar se, faina hi nghet takin nunpui se a ti.

Vawiin hnatlang hi Save the Riparian leh Sports & Youth Services Department NSS Cell ten an huaihawt a ni a. Zirna in sawm atangin NSS mi zanga (500) vel an thawk chhuak a ni.

Save the Riparian te hian an hmalakna thawhkhatnaah Aizawla Model Veng leh Mission Vengthlang inrina lui, Sakhisih chu ni 20 chhung an lo thian tawh a. A thawh hnihna hi Tuikual lui hnarah tan lehin vawiin hi a ni 13 na a ni a. Ni 30 chhung an theih chen thenfai an tum ang.

<><><>

POLICE

Mizoram Police chuan Syria leh Dubai rama Mizo thalai, awmpui hna thawka awm, harsatna tawkte tan theihtawp chhuahin sorkarin hma a la tih an sawi.

Mizoram Police thuchhuaha a lan dan chuan, Mizo thalai ram danga awmpui hna thawkte harsatna an tawh chungchang social media-ah tarlan a nih thu an ziak a, Mizo hmeichhe pathum – Vaivakawna inbengbel E&K Agency ten kum 2022 November ni 6 a an thawchhuah ten harsatna an tawh chungchangah Mizoram sorkarin a ngaihsak taw lo nia thu thang chu thu belhchian dawn lo a ni, an ti.

Police sawi dan chuan, Syria-a harsatna tawkte hi Mizoram soarkarin a buaipui a, a khua leh tui ram danga awm ten harsatna an tawh hi Chief Minister leh Home Minister ten an ngaithutak a, heng case-te hi uluk taka vil reng a ni, an ti a, ram changa Mizo hmeichhia harsatna tawkte chu a rang thei ang bera Mizorama hruai haw an nih theih nan hma an la zel dawn niin an sawi bawk.

Syria chu ram buai a nih avangin official-a thil bawhzui a harsa an ti a, hetiang chung hian Mizo harsatna tawkte chu Mizorama an haw theih nan a tul angte chu an ti zo thuak tawh niin an sawi. Mizoram Police hian Dubai-a harsatna taw Lalkhumbiri chu Chief Minister leh Home Minister kaihhraina in May ni 9 khan him takin Mizorama hruai haw a ni tawha, an ti a, Mizoram sorkar chuan hetiang thil hi uluk takin a chhui zui zel dawn tih an sawi bawk.

<><><>

ASF

Vawk pul hri, African Swine fever avangin kumin hian Mizoramah vawk 1024 thi a awm tawh a, vawk 1623 suat tawh a ni.

AH & Vety Dept in a chhinchhiah danin darkar 24 kalta chhung khan ASF vanga vawk thi zat 63 a awm a, vawk 197 suat a ni bawk. Tunlai khawlum chhovah ASF hri leng lehin, ran damlo nei an awm a nih chuan Vety Dept phone no 1962 ah Doctor te biak rawn theih reng a ni tih Deputy Director Dr. M. Zohmingthangi chuan a sawi a ni.

ASF hri hmun hrang hrangah a len mek lain Lunglei Dist ah chuan he vawk natna hri hi tun dinhmunah chuan he Dist chhungah a la léng lo niin. Dr.Vanlalhruaia, AH&Vety Deptt Lunglei chuan a sawi a,

Nikum October leh November thla chho vel khan Buknuam leh Undermanik khuuah Vawk 17 an thi a,a hnuah vawk 5 chu thih belh leh mahse tunah chuan report luh belh a awm tawh lova, nikum a report kha data lamah la kal chho zel anga a lan vangin ASF hri lenna ang in Lunglei Dist hi a lang ta mai a ni a ti.



HACHHEK

Hachhek Bial Kuhva Chingtu Pawl (HBKCP) chuan Kuhva ro tawlh ten an tihdan pangngaiin an la tawlhruk reng avangin a dang turin an duty leh dawn an ti.

Vawiina hemi chungchanga thuchhuah an siamah an eizawna ber Kuhva hralh kawnga harsatna siamtu, ramdang atanga dan lo a Kuhva tawlh luh a tawp theih nan nasa takin hma an la a. Kuhva tawlhruk dang chat tur hian Mizoram Sorkar tharah beiseina sang tak an nei a, amaherawhchu sorkarin theihtawp a chhuah meka an hriat lain, Kuhva ro tawlh ten an tihdan pangngaiin an la tawlhru reng a, Customs, Assam Rifles, Mizoram Police leh Kuthnathawktu duty te pawhin thahnem tak tak an la man reng a ni an ti.

Dan lo a Kuhva ro tawlh chungchanga Social activist Pi Vanramchhuangi'n Gauhati High Court Aizawl Bench-a PIL a thehluh ah CBI ten chhui tura High Court a ngenna chu High Court-in a pawm ngei an beisei laia, Mizoram sorkar-in CBI chhuitir lo a, Mizoram Police te chhuitir tura High Court-ah ngenna a siam ta mai chu Kuhva chingtute hmakhua a ngai tawk lo ah an ngai tih an sawi a. Kuhva ro chungchanga PIL hi CBI chhui remti ngei turin HBKCP chuan Mizoram Sorkar a ngen an ti a ni.

Kumin January ni 22-a Kuhva tawlh ruk PIL chungchanga Gauhati High Court, Division Bench order in a sawi anga kum 2021-a FIR thehluh tawh tun thlenga register anih loh chhan sawifiah tura a tih te, Case thara register theih a nih thu a sawite chu bawhzui a, Court-in sorkar chu he case hi a ngai thutak tawklo a tihte pawin an tih thu an sawi a. Kuhhnathawktute hmakhaw ngaia Kuhva chingtute tana huaitaka ding a, hmala turin Mizoram Sorkar an phut tih an sawi a ni.

Hachhek Bial Kuhva Chingtu Pawl chuan Mizoram sorkarin kuthnathawktute tana thlai thenkhata Minimum Support Price a siam turah hian Kuhva telh ve ngei turin an ngen tih an sawi bawk a. Dan loa Kuhva ro tawlh te avangin an Kuhva tharte hralh a harin a man a tlahniam zel a. Kuminah pawh Kuhva rah lo zo vek tawh siin Kuhva chingtu mi engemaw zatin a man pawh an la dawng kim theilo an ti a ni.



KUHVA

Champhai Police-te chuan Champhai DC Multipurpose Hall atanga kuhva rah ro man tawh ruk chhuah tum mi paruk an man.

Champhai Police-te hian kar hmasa Inrinni tlai khan Champhai SDO (Sadar) hnen atangin FIR an dawng a, DC Multipurpose hall, Keifangtlanga kuhva rah ro man sa an dahkhawm chu mi thenkhatin an la chhuak tih leh ruk tura an chhawp chhuah nia hriat bag 21 hmuh chhuah a nih thu a thlen a, hemi an bawhzuinaah hian kuhva rah ro ruk chhuah tumtu mi 6- Laltharzuala, Albert Lalduhzuala, Lalthakima, Tlanglianthanga, Lalhriatthara, Lalrindika leh K Vanneia te chu DC Multipurpose hall ah hian kuhva rah ro an la chhuak leh tur an man a ni.

Heng kuhva rah rote hi Champhai bawrsap hlui Pi Maria CT Zuali hunlaia man tawh kha nia hriat a niin, pawikhawihtua puhte lakah hian IPC Section 454/457/380/34 hmangin thubuai siamsak an ni.

Champhai Police te hian nizan khan Khankawn Police checkgate atangin kuhva rah, Champhai atanga hmun dang panpui tur an man bawk a ni.

<><><>

UD& PA DIRECTOR

Nimina Kolasib MJA in an tlawh hnuah, UD&PA department Director Pu Andrew H. Vanlaldika chuan vawiin khan Kolasib khaw chhung bawlhhlawh lakkhawm sawngbawlina 'Solid Waste Management Centre' Dihmunzawl tlawh in, bawlhhlawh sawngbawl leh thehthang dan te a hmun a en nghal.

UD&PA director hian Kolasib DUDO office, Diakkawn ah MJA hruaitute a kawm. Pu Andrew H. Vanlaldika chuan, nimin a Kolasib District MJA ten bawlhhlawh sawngbawlina hmun an tlawh tuma an thil hmuh te chu pawmawm a tih thu a sawi a, department in bawlhhlawh sawngbawlina an kalpui dan ah an hlawhchham rih tih a pawm thu a sawi.

UD&PA director chuan, Kolasib Solid Waste Management Centre; Pilot Project anga kalpui mek chu hun reilote ah Model Project anih theih nan hmalak anih tur thu a sawi a, a hmun hma pawh zauh belh tum anih thu sawi in, kumin kum tawp lamah chuan hmel thar hmuh hman ngei a beisei tih a sawi a. Tuna an kalpui mek dan chu ennawn ngai leh siam that ngai lai a tam avangin department anga theihtawp chhuah a hmalak an tum thu MJA hruaitute a hrilh bawk.

Chanchinbumite zawhna chhangin UD&PA director chuan, DUDO, Kolasib an inthlak ngun lutuk chu vei-awm a tih thu sawiin, DUDO nghet an awm theih nan hmalak a tum thu a sawi a, DUDO chu Officer dangten kawp lovin, a tul anih chuan DUDO in hna dang ava kawp zawk turah a ngaih thu a sawi. Bawlhhlawh khawn khawm leh motor tlan dan ah harsatna awm thin thu MJA ten an thlen pawh mumal leh felfai zawka kalpui anih theih nan thawktute sawipui a tum thu a sawi bawk.

Pu Andrew-a chuan, bawlhhlawh paih leh thliar hran chungchangah Kolasib mipuite chu dan ngai pawimawh a, department hmalakna thlawp zel turin a chah ani.

<><><>

DISCUSSION

Zanin dar 8:00 hian Akashvani Aizawlah New Criminal Laws of India – 2023 chungchang sawi ho a ni dawn a, he hunah hian Govt Mizoram Law College-a Assistant Professor Zoparlani Khiangte leh Advocate Emanuel Lalthazuala ten hun an hmang ang. He sawi hona hun hi Regional News Unit (RNU AIR) buatsaih tur a ni.

<><><>

6TH PHASE LOK SABHA ELECTION

Naktuka Lok Sabha inthlan thawhrukna nei turin inpuahchahna peih fel a ni a. Tun tumah hian Bihar a Lok Sabha bial 8, Hayrana ah seat 10, Jharkhand ah seat 4, Delhi-a seat 7 awm zawng zawng, Odisha ah seat 6, Uttar Pradesh ah seat 14, West Bengalah seat 8 leh Jammu and Kashmir ah seat 1 te a ni a. Zing dar 7 atangin vote thlak a ni ang.

Inthlan thawhnganaah hian candidate langsar zingah senior BJP leader-te Dharmendra Pradhan, Maneka Gandhi, Manohar Lal Khattar, Sambit Patra, Bansuri Swaraj leh Manoj Tiwari te, Congress hruaitu Deepender Singh Hooda, Kumari Selja, Raj Babbar leh Kanhaiya Kumar bakah Samajwadi Party leader Dharmendra Yadav leh PDP chief Mehbooba Mufti te an tel a.

Election Commission chuan inthlanna felfai taka kalpui anih theih nan ruahmanna a siam a. Chawlh hahdamna tur daihlimte, tuisik inturte, ramp, inthiarna, wheelchair leh mamawh dangte polling booth ah siam vek a ni

Hetihlai hian inthlan thawh sarihna leh a hnunung ber atana campaign pawh ngawrh takin kalpui mek a ni a. State 7 leh UT pakhat huamchhunga Parliament bial 57 ah June ni 1 ah vote thlak a ni ang.

<><><>

LANDSLIDE IN PAPUA NEW GUINEA

Papua New Guinea-a leimin avangin mi 100 aia tlem lo an thi. Australian Broadcasting Corporation sawidanin vanduinna thlenna hmun hi Enga province-a Kaokalam kuaah a ni a. Mitthi zat hi ala pun an rin thu thuneitute chuan an sawi.

Papua New Guinea hi Australia hmarlama awm a ni a. Hnam chi hrang hrang awmna niin tawng chi 800 chuang hman a ni a. Mihring maktaduai 10 vel an cheng a ni.

<><><>